



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel  
Francofurti Ad Moenum, 1690**

Caput I. Gregorius Victori (a) Neapolis Episcopo.

---

[urn:nbn:de:hbz:466:1-74526](#)

## T I T U L U S XXXVI.

De Religiosis Domibus , ut Episcopis sint  
subiecta.

## C A P U T I.

Gregorius Victor (a) Neapolis Episcopo.

**N**UNC ad hanc basilicam , quæ dedicanda est , illud debet disquiri , quis id est cuius civitatis , antequam basilica , quæ nuper fabricata est , fundatur , (b) baptizaverit incolas , ad cuius (c) consignationem sub annua devotione concurrerunt . Non enim terminis , aut locis convenit diffiniri , sed illius facere diœcesim , qui superius continetur , ut constet commandantes à quo fuerint lavaci regeneratione purgati . Et ideo fratres charissimi , amotis ambagibus , & omni circuitione lemota , hæc vos modis omnibus convenit investigare , ut ille maximè ad consecrationem vocetur , cui per hunc modum , quem scripsimus , constat debere permetti .

## N O T A .

1. (a) **N**eapolis . ] Ita etiam legitur in prima collectione , sub hoc tit. cap. 1. Sed cùm inter epistolas sancti Gregorii non reperiatur hæc Decretalis , nec ejus ayo Archiepiscopus illus Neapolitanus hujus nominis Victorius floruit , satis constat , mendosam esse hanc inscriptionem . Antonius Concius Evangelia promittit indicanti locum , seu epistolam Pontificiam ex qua transcriptus fuit textus hic . Antonius Augustinus in notis ad hunc textum fatur , se hæc verba tantum legisse in hac , & in prima collectione .
  2. (b) **Baptizaverit .** ] Ad Episcopum enim ut ministerium ordinarium solemnitas spectat baptismum propriis subditis temporibus debitis solemniter conferre , ut diœsum in cap. unct. de cleric. non ordin. ministr.
  3. (c) **Consignationem sub annua .** ] Licet primis Ecclesiis temporibus Confirmationis sacramentum statim post Baptismum administraretur , ut constat ex Theodoreto ad illa verba 1. Canticor . Unigenitum effusum nomen ihu , ibi : Si mystice magis intelligere , sancti baptismatis mysterium recordare , in quo qui initiantur , spiritali obrismate immitti , sub ea visible specie invisibilis Spiritus sancti gratiam suscipiunt . Ex Isidoro Hispanensi lib. 2. de Eccles. offic. cap. 26. ibi : Quoniam post baptismum per Episcopos datur Spiritus sanctus cum manuum impositione . Expressius ex Amalario , qui de hoc more lib. 4. de eccl. offic. c. 29. ita loquitur : Nos vero presente Episcopo simul baptizamus , & per impositionem manus Episcopi Spiritum sanctum accipimus . Idem refert Rabanus Maurus lib. 1. de inst. cleric. c. 30. his verbis : Novissime autem à summo sacerdote per impositionem manus Paracleucus traditur illi Spiritus Sanctus , ut roboretur per Spiritum sanctum ad predicandum aliis idem donum , quod ipse in ba-
- ptismate consecutus est . Sed postmodum in paten-  
tum incuria , sive multiplici curiam onere , quo Episcopi in dies premebantur , mos invaluit , ut parochi baptismum ministrarent , & Episcopi certis per annum diebus suam diœcesim lustrarent , & a presbyteris baptizatos oleo confirmarent ; quod statutum fuisse septimo seculo Ecclesiæ , constat ex Beda , qui per ea tempora floruit , & in vita sancti Cuthberti Episcopi cap. 29. ita scribit : Quidam autem die , dum parochiam suam circumiens monita salutis omnibus ruri , in casis , & viculis lagravet , nec non etiam nuper baptizatis ad accipendam Spiritus sancti gratiam manum imponeret , devenit ad villulam cuiusdam Comitis . Sequentibus feculis crebrior ejusdem moris mentio repertur ; nam in Synodo Francica , quam refert Vicecomes lib. 1. de ritibus Confirm. cap. 5. ita statuitur : Decremus quoque iusta sanctorum canones , ut unusquisque presbyter in parochia habitans Episcopo illi subiectus sit , in cuius parochia habitat , ut semper in Quadragesima rationem , & ordinem ministerijs suis , sive de baptismo seu de fide Catholica , sive de preciis , & ordine Missarum Episcopum reddat , & ostendat . Quod docunq[ue] jure canonico circumcisit parochiam ad populos confirmandos , presbyter semper paratus sit ad suscipiendum Episcopum cum collatione . & adiutorio populi , qui ibi confirmari debet . In Synodo Cabilon sub Carolo Magno , can. 14. ita legitur : Cauendum san[ct]e est , ne cùm Episcopi parochias suas peragrant , quandam damnum erga subditos . Sen erga socios tyrannidem exercant . Observandum etiam modis omnibus , ut si quando eis per agranda parochie necessitas incedat , in confirmandis hominibus , in inquirendis viribus emendatione dignis , in prædicatione verbi Deoperantur . In Synodo etiam Sæcessionis ita cœlentur . Quando jure Canon . Episcopus circumcit parochiam ad

firmandum populum, Abbates, vel Presbyteri parati sunt ad sufficiendum Episcopum in adjutorium necessitatis. Et Synodus Ticinensis can. 15. praecepit Episcopis, ut quando confirmationis administranda causa dæcesim obeunt, caveant diligenter, ne presbyteris magis, & profundi sumptus occasionem prebeat, his verbis: Statutus eriam, ne Episcopi, quando pro confirmingo populo parochias circumvent, Archipresbyteros suos gravent. Juxta quem antiquum morem intelligenda sunt verba hujus textus supra relata.

## COMMENTARIUM.

4. Cum Ecclesia, & omnes basilicae debeat dedicari, consecrarique per Episcopum proprium, in cuius construuntur diecepsi, D. Clemens epist. 3. ibi: In aliis locis sacrificare, & Missas celebrare non licet, nisi in his, in quibus Episcopus proprius iussit, aut ab Episcopo regulariter or-

dinatio, tenente videlicet civitatem, consecratus fuerit. Et cap. nemo, de consecr. dist. 1. Concilium Wormat. can. 6. ibi: Quicunque voluerit in sua proprietate Ecclesiam edificare, & consensum, & voluntatem Episcops habuerit, in cuius parochia fuerit, licitum sit. Probant Vicecomes tom. 3. deritibus Missa, lib. 2. cap. 23. Barbola de potest. Episc. alleg. 27. late dicemus in cap. 1. de consecr. Eccles. & dubitaretur in praesenti casu, quis diceretur proprius Episcopus ad basilicam consecrandam, Gregorius respondit illum Episcopum debere Ecclesiam dedicare, qui ante incolas illius loci baptizaverat, & sacro christmate confirmaverat; quia ille creditur proprius Episcopus loci, cum sacramenta ipsa non nisi a proprio Episcopo administrentur, ut probavi in cap. quanto, de consuet. Et sic, quiratione possessionis, seu prescriptionis actus illos Ordinis ibi exercet, etiam dedicationem Ecclesie facere valet; quia dedicatio ipsa etiam ad potestatem Ordinis spectat.

## CAPUT II.

## Gregorius Agapito (a) Abbatii.

NE rebus venerabilibus, vel cuilibet cultui desit obsequium, nostra debet sollicitè cura prospicere. Quia igitur monasterium, quod in fundo Marciano provinciæ Campaniæ situm est, ita (b) hostilitate faciente, à congregatione funditus dicitur defolatum, ut ne unus exinde monachus, qui aliquam illic solitudinem, vel curam debeat adhibere, remanserit: tuo illud monasterio cum omnibus rebus suis, vel quæ ei competunt actionibus, utile prospexitus uniendum, ut res ejus tenendi, vel à detinentibus vendicandi libera tibi sit, & sine aliqua dubitate licentia. In quod etiam studii sui sit monachos deputare, qui illic tempore, quo intervallum de hoste fuerit, & opus Dei celebrare, & decenter debeat servire. Nec aliqua illud prælumas excusatione negligere, quod ideo curatæ, ut sollicitudinem illuc debeat adhibere, committitur. Ipsum autem monasterium sic tuæ nos ordinationi commississe cognoscas, ut tamen jurisdictionem illic non Episcopus (c) Surentinus, in cuius civitate monasterium tuum est; sed (d) Nucerinus, cuius est dieceesis, habeat. Nam sic hujus loci ordinationem disponimus, ut tamen jura sua singulis Episcopis inviolata servemus.

## NOTÆ.

- (a) **A Gapito.**] Ita etiam legitur in prima collectione, sub hoc tit. cap. 3. & in ipsis epistolis D. Gregorii lib. 9. epist. 67. ex quo regestro litteram hujus textus rectifico; nullibetamen exprimitur, cuius monasterii esset Abbas, de quo in praesenti; sed tantum eius monasterium fuisse in diecepsi Surentina, ubi cum tria hujus Ordinis D. Benedicti sint monasteria, videlicet S. Renati de Surrento, Sancti Petri ad Crapulam, Archangeli de Publigiano, non liquet cui ex eis monasteriis unitum fuisset monasterium de quo in praesenti.

(b) **Hosilitate.**] Longobardorum videlicet, qui his temporibus totam ferè Italiam devastavrant.

(c) **Surentinus.**] De diecepsi Surentina nonnulla notavi in cap....

(d) **Nucerinus.**] Nuceria etiam civitas Umbriae

est in Italia, prope fluvium Teniam, de qua, & ejus Praefulibus plura tradit Ughel tom. 1. Italia sacer, fol. 115. & nos nonnulla adduximus in cap. final. de renunc.

## COMMENTARIUM.

Certum est, summum Ecclesie Praesulem posse unire Ecclesiam unius dieceesis Ecclesie, seu monasterio alterius Episcopatus, & per hanc unionem omnia jura competentia Priori Ecclesie transire in monasterium, cui unita est; quia accessoriū naturam sequitur sui principalis, cap. recolentes, de statu monach. docent Gonzalez in regul. 8. cancel. Moneta de commun. cap. 12. q. 1. temen jurisdictione illius Ecclesie unitæ remanet penes proprium Episcopum, ut ita sua jura singulis inviolata serventur: quare in praesenti Gregorius docuit per unionem à se factam non violare jura prioris Episcopi.